

常德府志卷之一



郡人陳洪謨纂

訓導閩王儼校

地里志

叙曰兩儀奠位萬國分乂其土宇廣僊離合雖若假諸人爲而星野之所屬形勝之所萃山川之所限則有截然不可易者人生其間剛柔緩急性習不同亦各以其土劉向云君子先相其土地而裁其器觀其俗而和其風言正治一俗不可後也吾常德爲楚上

常德郡志

卷一

一

游在昔列諸荒服歷漢唐及宋入我

皇明聲教既廣地氣日寢以盛蓋颯颯乎有可述者矣有斯民之責者宜加考焉茲舉四境之槩彙而次之作地里志

沿革

吾郡唐虞以前史無所考三代以後道有升降地亦隨之其所建置或沿其地而易其名或襲其名而遷其地楚乎靡常志郡邑者不先究其

沿革則因地以察民困督督焉末知其所從矣  
此

大明一統志首述沿革良有以也今謹遵其例取經史  
歷代之有徵者表而識之以見沿革之大云

本府

唐虞夏

屬荊州

書疏堯初制五服服各五百里要服之內方四千

常德郡志

卷一

二

里曰九州舜典五月南巡狩至於南岳如岱禮禹  
貢荆及衡陽惟荊州愚按蘇子瞻指掌圖常德當  
在荆衡之間

商

屬荆楚

詩捷彼殷武奮伐荆楚

周

屬荊州

周禮職方正南曰荊州其山曰衡藪曰雲夢川曰江漢浸曰潁湛

屬楚

漢書周成王時封文武先師鬻熊之曾孫繹於荊為楚舊志商周為蠻蠻所居按王應麟玉海志武威將軍劉尚擊武陵五溪蠻郡元注水經云武陵有五溪雄橘酉漁辰皆蠻夷所居故謂五溪蠻在

今辰州界

土俗雄作熊橘作明撫作武

又漢書疏辰州盧溪縣

常德郡志

禮 卷一

西有武山山高萬仞石室可容數萬人乃其地也據此則吾常非蠻蠻所居可知蓋其時武陵郡所統頗遠意者五溪皆其邊徼如書所稱淮夷萊夷實與淮萊為遠尔舊志訛舛今宜正之

秦

屬黔中郡

通鑑始皇二十六年分天下置三十六郡後增四郡於楚曰南郡曰黔中郡曰長沙郡舊志云秦置

黔中郡愚考漢書秦昭王使白起伐楚畧取蠻夷地始置黔中郡章懷注黔中故城在今辰州沅陵縣西據此則常德乃黔中屬地也

西漢

置武陵郡 改義陵郡 雒陽郡

高帝初更黔中為武陵郡後改為義陵五年更名雒陽治索縣領孱陵臨沅沅陵鐔成無陽遷陵辰陽酉陽義陵佷山零陽充并索為十三縣隸荊州

常德郡志

卷一

四

部刺史

索即武陵縣境也漢書疏索音繩索之索孱音踐鐔一作潭無水名受故沮入沅義

陵鄰梁山淑水所出佷音恒出藥章恒山零陽零水所出東南入湘充酉原山酉水所出

新莽

改建平郡

漢書莽曰建平屬荊州

東漢

復武陵郡

建武二十四年治臨沅領漢壽索陽嘉三年更名

刺史治領孱陵零陽沅陵辰陽酉陽遷陵鍾成  
沅南

三國

武陵郡

漢末曹操赤壁敗後遂與吳蜀三分荆州北境屬  
魏西境屬蜀東境屬吳武陵西境也先主沒後所  
分地悉復屬吳

晉

常德郡志

禮  
卷一

五

武陵郡

領臨沅龍陽漢壽沅陵黔陽酉陽鍾成沅南遷陵  
無陽十縣

南朝

武陵郡

武州

沅州

宋齊皆為武陵郡梁置武州改為沅州

隋

改朗州

復為武陵郡

大業初州廢置郡治武陵領武陵龍陽二縣

唐

復朗州 改武陵郡

天寶中屬山南東道領武陵龍陽二縣

五代

置永順軍 武順軍 武貞軍 武平軍

梁將馬殷因攻朗州執雷彥雄等送于梁遂升朗  
為永順軍後馬殷以其子希振為武順軍節度唐

常德郡志

禮

卷一

六

改為武貞軍以朗人雷滿為節度周廣順一年改  
為武平軍

宋

復為朗州 改鼎州 永安軍 靖康軍 常德軍

常德府

乾德三年析武陵置桃源縣大中祥符五年改為  
鼎州陞永安軍又改靖康軍政和七年陞常德軍  
節度南渡後又置沅江縣紹興十七年孝宗初以

普安郡王授常德軍節度使即位於乾道元年遂  
陞為府領節度屬荆湖北路安撫司  
俱文獻通考及宋史

元

改常德路

至元十二年置常德府安撫司十四年改為總管  
府復改為路屬湖廣等處行中書省分隸江南湖  
北道肅政廉訪司

皇明

常德郡志



卷一

七

復為常德府

國初甲辰年復為府屬湖廣等處承宣布政使司  
分隸湖北道領縣四洪武初撥澧州安鄉慈利石  
門隸之領一州七縣洪武三十年以所撥州縣隸  
岳州府領縣仍舊

縣四

武陵

附郭本漢義陵郡索縣東漢為臨沅縣武陵郡治

順帝更名漢壽三國吳改為吳壽晉復曰漢壽隋  
改為武陵縣屬朗州大業初改屬武陵郡唐屬朗  
州宋屬鼎州為望縣五千戶以乾德初屬常德府  
元屬常德路

皇明屬府

桃源

本東漢臨沅縣地屬武陵郡隋省入武陵縣屬朗  
州唐仍舊宋乾德中始析置桃源縣為望縣元元

常德郡志

禮

卷一

八

貞初陞為州

皇明洪武三年復改為縣

龍陽

本漢武陵郡索縣地東漢為漢壽縣地三國吳始  
分置龍陽縣隋唐俱屬朗州宋大觀中改曰辰陽  
紹興三年復舊名為中縣二千戶以元元貞中陞  
為州

皇明洪武九年復改為縣



沅江

本漢益陽縣地屬長沙國晉屬衡陽郡梁普通三年於洞庭正南岸建縣曰喬江隸岳州後為藥山縣隋初改安樂縣後改沅江縣屬巴陵郡唐改喬江縣屬岳州宋祥符中因貢包茅復為沅江縣元符初割屬鼎州為中下縣不滿千戶為中下元屬常德路皇明洪武十一年併入龍陽尋復為縣

郡名 邑名附

常德郡志

常武

取詩序有常德黔中秦名朗州隋名

古鼎

以神鼎嘗出於鼎水而名

武陵

漢書劉昭註云晉太守趙厥問主簿潘京曰貴郡何以名武陵京曰鄙郡本名義陵在辰陽縣

界與夷相接為所攻破光武時移東出遂得見全共議易號傳曰止戈為武高平曰陵於是改名焉

義陵

項羽弑義帝武陵人編素而哭高帝聞而義之故名

桃源

以其地有桃花源故名沅南漢書疏荆州記曰縣南臨沅水水源出群荆且蘭縣流入

縣界 故名

龍陽

以流水形勢如龍縣在水之南故名漢壽

沅江 喬江

分野

地有是形則天有是星彼此南北分野上下雖未必相配而其象未嘗不相屬故以十二次驗天運之變日躔之次因其所在而祆祥以見則所屬之地從可徵矣鄭康成謂古書已亡堪輿雖有郡國所入度数亦非古也今之作志者往往謂某地入某星幾度固不能無毫釐之差若

常德郡志

禮  
卷一

十

郡舊志止云翼軫分野又未免有掛漏之失蓋九州十二域或繫之二十八宿或繫之北斗或繫之五星麗屬次舍皆的然可考而其占步之法亦多有曲中焉者是故取諸說而存之以俟觀天者擇焉

二十八宿翼軫

漢書楚地翼軫分野按星經翼二十二星凡十九度軫四星凡十七度陳卓云自張十七度至軫十

一度為楚之分野張宿止十七度蔡邕起張十二度費直

起張十二度此蓋指全楚分而言今江西廣西皆屬翼軫古亦楚地也晉天文

志謂桂陽入軫六度武陵入軫十度零陵入軫十

一度其析釁頗詳玉海又云武陵入軫十一度及他郡度数俱不同所謂毫釐之

差者以此

### 十二次舍鶉尾巳位

天文志自張十七度至軫十一度為鶉尾於辰在

巳楚之分野屬荊州史記注翼軫二星皆為鶉尾

### 常德郡志

### 卷一

鄭語周史云楚重黎之後黎為高辛氏火正此鶉

尾為楚之分星荊州之星土也在諸侯謂之分星在九州謂之星土

### 北斗屬衡星

星經云玉衡星主荊州北斗有七一樞二璇三機

四權五衡六闔陽七搖光廣雅云雍屬魁冀屬樞

兗青俱屬機徐揚俱屬權荊屬衡梁屬闔陽豫屬

搖光常德荆域屬衡候以丁卯日

### 五星屬熒惑

星經云熒惑主霍山揚荆交州又曰主楚漢書吳楚之疆候熒惑凡考災祥視熒惑之所經行

### 三台屬司命星

宋志三台六星爲天階太乙躡以上下上台爲司命主壽中台爲司中主宗室下台爲司祿主兵又曰上台上星主兗豫下星主荆揚中台上星主梁雍下星主冀下台上星主青下星主徐

### 天市垣屬西垣第二星

常德郡志

卷一

十二

宋志天市東西各列十一星東垣曰宋南海燕東海徐吳越齊中山九河趙魏西垣曰韓楚梁巴蜀秦周鄭晉河間河中

### 五車主司空星

天文志五車五星在畢東北其西北大星曰天庫主太白秦也東北星曰天獄主辰星燕趙也東南星曰天倉主歲星魯衛也中央星曰司空主鎮星楚也西南星曰卿主熒惑魏也

占候節略

北斗星明

主天

第五星不明或變色

廢正樂

翼星

明

禮樂

星孛于鶉尾

荆域

星孛于翼

近大

微上將

星孛于軫

太白晝見在軫

其地

日蝕在翼

歲早

遠夷

歲星蝕月在翼

楚地

太白犯軫

荆楚

辰星守

軫歲熒惑色赤循軌

天下又寧

變色

熒惑犯歲

星在翼

歲

歲星太白辰星聚軫

兵興

三台星明

上下

和法

天市中星衆潤澤

白氣貫北斗

大黑雲氣

常德郡志

卷一

十三

貫翼軫

荆楚

五車司空星明

其地歲豐

歲時雜占

正月

一雞二犬三猪四羊五牛六馬七人八穀其

中日晚稻

二月

驚蟄雷鳴主本月

末日早稻

三月

三日聽蛙

高田熟

午後鳴低田熟唐詩

四月

立夏日青氣見

云田家無五行水旱

德蛙聲

四月

立夏日青氣見

多災

諺云四月八日晴魚兒上高坪立夏小滿日

宜雨

又諺云立夏不下高田放罷小滿不滿芒種

不

五月

夏至得雨豐稔之候諺云

六月

立秋在月

管

夏至見青天有雨到秋邊

遲諺

云六月秋要到

七月

七夕以前河影沒三日

秋七月秋不到秋

而復見則穀賤七日而

復見則八月秋分一日不宜於晴中秋月光則湖

穀貴無魚雲重則知次年元宵多雨諺云

雲掩中秋月九月賤自一日至九日凡北風則穀價

雨打上元燈十月荆楚歲時記天時和暖似春

月是也諺云重十月人謂之小陽春一日宜晴諺

陽無雨一冬晴十一月冬至日青

云十月初一晴柴炭灰樣平又十一月雲見于地

云十月雨連連高山也是田十二月風小寒多四季甲子春甲

方吉應來歲豐十二月風小寒多四季甲子春甲

稔否則主旱災十二月風小寒多四季甲子春甲

地千里夏甲子皆不宜雨此雖各處淫言驗之多

子雲飛千里言皆不宜雨此雖各處淫言驗之多

中四季甲申大雨穀價大貴

愚按五行休咎其用甚廣然於農事為甚切古者

書象稜於二至紀風雨於三時皆為農家計也愚

常德郡志

卷一

故於此  
致意焉

祥異

堯時天下和景星出翼軫

周時王會區陽以鼈封異獸獻于朝

區陽戎國名荆州記武陵郡西有陽山山有獸

如鹿前後有頭常以一頭食一頭行山中有時

見之者俱玉海

漢神爵二年龍陽縣民張渤父龍陽君與其母張

媪遊於太湖忽風雨晦冥五采雲蓋其上青黃龍電並起俄頃開霽媪已而有娠歷十四月明年二月生渤後有神異有功德於民縣人立廟祀之

建武二十五年三月戊申晦在畢十五度畢為邊兵冬十月武谿蠻夷為寇伏波將軍將兵擊之建安四年二月武陵充縣女子李娥年六十餘物故其家以杉木榑斂墓于城外數里已十四日

有行者聞塚中有聲便語其家其家往視之聞聲便發出遂活

晉咸康元年八月乙丑武陵龍陽雨水淫漂屋室

殺人損秋稼俱文獻通考

安帝時武陵臨沅獻石榴一葉六實

南朝宋太康六年六月武陵旱傷麥宋書六字恐誤

南朝齊永明七年武陵白沙戍槻木連理相去五

丈俱高三尺東西二枝合而通柯齊書

梁時武陵城東產靈芝數本因建靈芝觀舊志

唐貞元二十一年朗州江漲流萬餘家通鑑綱目

是年夏朗州水鬪文獻通考

宋建隆二年龍陽縣民周信妻產三男

三年十月朗州異竹生

六年七月鼎州城門柱下生芝一本

雍熙二年七月朗州江溢害稼

祥符六年鼎州城門柱下生芝一本俱宋史

嘉祐八年十月鼎州芝草叢生下得異龜文獻通考

熙寧八年七月鼎州產芝三本其一類珊瑚枝葉

膠結

建炎三年四月鼎州桃源洞大水巨石隨流而下

有文曰無為大道天知人情無為窈冥神見人

形心言意語鬼聞人聲犯禁滿盈地收人鬼金

石同類類金為變恠者也俱宋史

乾道七年十一月丁亥洞庭湖巨鼃走沙擁舟身



廣長皆丈餘并舟以首足壓重艦沒水

文獻通考

十六年五月沅靖諸山水暴漲至常德沒城五

尺

淳熙三年五月常德府大雨徹晝夜自壬辰至于

庚子

十五年五月常德府大水

十六年五月山水暴溢至常德府城沒一丈五

尺漂民廬舍

常德府志

卷一

十七

紹熙三年五月常德府大雨水浸民田廬

五年秋八月武陵縣江溢圯田廬甚衆俱宋史

開禧元年夏鼎州大旱文獻通考

元元貞元年常德水

大德元年武陵大水

延祐元年五月武陵縣雨水壞廬舍溺死者三千

人俱元史

國朝

永樂六年龍陽縣署火民屋延燒

八年七月十一日桃源縣新安村民高五兒妻  
莫氏一產三男禮部差行人給賞寶鈔十錠米  
五石與所生母仍分二子與無子乳母養每月  
給米五斗

九年三月二十八日武陵縣車橋村民劉觀音  
妻一產三男禮部差行人給賞寶鈔十錠米五  
石與所生母仍分二子與無子乳母養每月給

常德府志

卷一

十六

米五斗

十五年三月初五日沅江縣民王辰二妻陳氏  
一產三男

宣德八年武陵縣署火

天順三年大旱

六年龍陽縣北湖產並頭蓮

成化四年龍陽縣署火

五年大水漂民屋廬甚多

七年東田村民馮貴家牛生一犢膚身馬蹄牛尾周身鱗甲霞彩騰輝風雨雷電交作奔馳跳躍居民驚訝恠而殺之本府知府楊宣聞之亟訪求已斃乃收皮骨于庫中

二十三年大旱米穀甚貴道殣枕藉

弘治元年大旱

二年大熟

五年雷擊府學東廡先賢楊龜山像位

六年八月熊入城傷六人

十四年虎入城

十七年大熟

正德五年大水

八年四月八日大風雨雹驟作吹倒民居牌坊屋瓦如飛江舟多覆

八年劉璟御史墓傍產芝一本

十年八月朔辰刻日食昏暗如夜星辰俱見

十一年本府地震

十三年桃源縣儒學產芝上本

嘉靖元年六月軍人關玉穿井死四人是年大水

决隄防

二年大旱民饑十二月大風雪暴作死者相枕

藉

五年大旱是年流賊張廣勝史劍等數百人四

散劫掠殺死常德衛百戶楊鎮後府衛官設法

常德府志

卷一

二十

擒之

七年大旱

八年龍陽縣火風猛如箭煙焰四合民居存者

無幾

十一年夏六月蝗至適有鸚鵡食之飛去

十二年淫雨自四月至于六月江水泛漲幾破

城瀕江之民遭滙沒者無筭各山谿蛟出衝沒

田禾尤多

十三年夏四月大雨彌月河溢至五月六月大  
旱早晚田禾俱無收穫民多餓死

### 形勝

周公相洛衛文望楚皆擇形勝以居吾郡負山  
抱江固亦勝矣然而江水砰湃直下少彎環洄  
澗之狀堪輿家若以為忌也矧頻年水漲則洪  
濤巨浪衝齧隄岸將有覆城之勢前人於上下  
二隄及府學前皆築石為櫃蓋有見於是也今

學前地已淪於江而上下二櫃又皆不足以捍  
水勢有志斯民者宜深考其故而修拓之非惟  
勝槩以增而水患亦將無慮矣附著于此以俟  
有位君子

### 本府

南楚上游重湖舊壤

方輿勝覽

左包洞庭之險右控五溪之要

舊志

沅水演迤陽山雄峙

德山瞰江近城風回波細飛帆去舫舒徐上下俱太

申儒三亭記

吳蜀楚粵之會袁申儒書館記

山林翁鬱湖水濬澗武陵集

洞花水芷各有德色

流祉發祥日月大異俱鍾蜚英學記

湖山饒衍布政使周瑛學記

武陵縣同

常德郡志

卷一

二十三

桃源縣

大江環帶群峰拱列高吾聳其東白馬踞其西舊志

良田美池阡陌交通陶潛桃花源記

三十六天別為一天李白尋桃源序

水迴青嶂合雲度綠溪陰孟郊詩

龍陽縣

金牛居南芷江在北東望武口西望陽山納加壘墨池記

為荆襄之唇齒通雲貴之門戶舊志

隆阜迤坡昂藏聳伏

滄浪山與水秀可以挹奇可以發華可以茹俱表申  
濡書館

記

沅江縣

居鄂岳之上流分洞庭之右汜上瓊拱其西沙浦俯  
其東石溪環其南柳庄護其北縣志  
里至

本府境東西四百八十五里 南北二百一十里

常德郡志

卷一

二十三

東至岳州府華容縣明山界三百六十六里

南至長沙府安化縣燕子洞界一百二十里

西至辰州府沅陵縣鐵岩界一百二十里

北至岳州府澧州鰲山鋪界九十里

東至岳州府四百零五里

南到長沙府安化縣二百四十里

西到辰州府三百八十里

北到澧州二百里

東南到長沙府三百八十里

東北到澧州安鄉縣一百三十五里

西南到辰州府沅陵縣三百八十里

西北到澧州慈利縣三百六十里

自府治至

南京二千七百六十五里至

京師六千二百一十里

武陵縣境東西八十里 南北二百一十里

常德郡志

卷一

二十五

東至龍陽縣宣布鋪界四十五里

南至安化縣燕子洞界一百二十里

西至桃源縣高吾鋪界三十五里

北至澧州鰲山鋪界九十里

編戶四十五里在坊四在村四十一洪武初年有

鄉八村七十二今併如前數

桃源縣境東西二百四十五里 南北二百二十里

東至武陵縣高吾山界五十五里



南至安化縣仙陀山界一百里

西至沅陵縣官庄界一百九十里

北至石門縣洞溪界一百二十里

編戶二十六里在坊二在村二十四洪武初年有

鄉七村四十五今併如前數

龍陽縣境東西二百五十里 南北二百一十里

東至華容縣古樓界二百一十里

南至益陽縣牛鼻鋪界九十里

西至武陵縣河漣鋪界四十里

北至武陵縣陽城村分水界一百二十里

編戶二十九里在坊二在村二十七洪武初年有

鄉五村三十六今併如前數

沅江縣境東西一百一十里 南北一百四十里

東至湘陰縣畝口界七十里

南至益陽縣羊角界九十里

西至龍陽縣南疆鋪界四十里

北至本縣赤山嶺界五十里

編戶六里在坊一在都五洪武初有坊一鄉四今

析如前數

### 風俗

上行下效之謂風衆心安定之謂俗吾郡人多  
淳朴少宦情厥惟舊矣風氣日開則皆嚮文績  
學擢巍科躋臚仕者項背相望而應貢納例胥  
史之流亦皆爭相效用所謂少宦情者不患其

不多也第以郡當孔道人聚五方氣習日移尚  
侈靡者僭禮踰分之不顧習矯虔者競利肆訟  
之弗已所謂淳朴之風或幾於熄矣噫是豈地  
氣端使之然哉孔子曰君子之德風小人之德  
草吾於是乎有所感者矣

### 本府

以漁獵山伐爲業

漢書地理志民食魚稻以漁獵山伐爲業故嵒

媮生而亡積聚又云飲食還給不憂凍餒亦亡千金之家此驟言楚俗而吾郡至今則然音紫  
音庚多淳朴少宦情

梁伍安貧武陵記人氣和柔多淳朴少宦情以黃老自樂有虞夏遺風

### 信鬼好巫

楚辭九歌註沅湘之間其俗信鬼而好祀其祀必使巫覡愚接近來士人家喪祭頗依家禮祈禱不

使巫覡但正寢中堂比比多列佛老及諸神像或鏤或繪務為繁侈旦夕供祀致虔至其祖先神位則雜處其間或列于其旁此則各處通俗非但楚為然愚家自先世以來不祀非鬼近又以正寢行禮不便乃市地一區構祠堂以為祀先之所頗事整潔四時依家禮行禮而鄉士夫之家固已有儆之者矣然亦不必拘於建祠正寢中但不雜以非鬼可矣此亦正俗之一事

常武為守節禮義之國

宋鍾斐英學記

勤於耕織製錦繡為業

元志居民務本勤於耕織自崇觀以來製錦繡為業鮮明不在成都錦官下按本地無製錦繡者今五開諸邊衛及永順諸宣慰同製有土紬亦五色可愛或者因地相近故云然以蜀錦律之則遠矣

鼎城為文物之邦

元史節翁樂記

武陵古望邑衣冠禮樂為名區文物甲湖右

元馮良學記

常德郡志

卷一

二十八

武陵桃源是謂有常之城

玉海鎮節賦

文物之風再行伊吾之聲盈耳

關尊德燕賢序

人才為湖南之冠

布政周瑛學記

其歲時所尚美惡相半

元旦

是日男婦晨興各盛服拜祖先畢拜父母及

刺大約三五日與他方畧同所異者惟立春觀

出必擇吉方與吉時及三日不掃除耳

牛以牛首紅白等色占水旱等災以勾芒鞋帽占寒燠晴雨人家近有以生菜作春盤如春餅親友會飲謂上元剪紙為燈糊以竹格飾以五彩看繡毬走馬蓮花諸類雖

之春臺席

無閩浙刻絲剪綉等項亦頗精巧好事者作成  
燈謎夜則相聚以猜名曰打鼓燈婦女相邀成  
隊宵行名曰走百病各家以椒為湯入薺菜撒  
果諸物人至而飲之謂之時湯又作麵窩如雞  
子大者十二以象十二月每窩標記某月用甌  
蒸之如炊飯然又之取視水淺深有無以稽某  
月之水旱恚多有驗至十八日燒燈以草社日  
為船實以紙馬送至江詩焚之謂之懷災  
鳩錢買牲醴賽會相飲而罷  
清明 挿柳於門人  
鄉村即以是日浸破種穀  
能辟邪具牲醴掃墓以竹  
懸紙錢而挿之謂之標墳  
端午 民間頗重是節  
切菖蒲杆雄黃泛酒飲之又以喫室塗小兒耳  
鼻先是用箬葉裹米為粽如羊角形彼此相餽  
親鄰則加以牲醴鞋襪之類謂之追節各坊市  
刻木為舟長十餘丈染五色選善挽者相競中

常德郡志

禮卷一

流舊時名為吊屈近則因爭勝負至毆傷溺死  
者多矣雖有明禁而人心技癢不能從之大抵  
各處亦然唐名 **中元** 各家備牲醴以祀祖先  
人有競渡歌曲 **秋** 設酒果對月飲之日賞月即以月之明  
**重陽** 飲茱萸酒 **冬至** 前數十年俗以為重每作米麵  
蒸菊花糕 **旦** 儀愚少時猶及見之今則否矣惟 **歲除** 歲將  
近時士夫家行祀先禮鄉人漸效之 **日** 鄉村多用巫師朱裳鬼面鑼鼓喧舞竟夜名  
曰還離二十四日掃舍守祀龜除日易門神桃  
符春帖姻友之家以酒果之類互相餽遺作米  
麵食具殺酒以為迎新聚飲之儲至夜燒竹爆  
辟瘟丹飲分歲  
酒或不寐守歲

武陵縣同

桃源縣

民性質朴郊野事漁獵嫁娶不親迎喪事用浮屠疾  
病祀鬼巫少服藥藝不求工商不致遠不好詞訟素

號易治 舊志

俎豆猶古法衣冠無新製 晉陶淵明洞志

龍陽縣

視鼎諸邑文學為盛 元納加臺亭記

常德郡志

卷一

三十

地瘠民貧風俗淳朴山野之中以農桑為本水澤之  
民以網罟為業 舊志

沅江縣

地僻民稀田低土瘦人性愚懦懼於爭鬪湖汊為居  
網罟是利 舊志

歲時所尚頗同本府

常德府志卷之二 終